

## **Aviso Media**

26 do Marcu, 2007

## **Kontactu:**

+670 729 5051  
Vidal Campos Magno

# **Juventude Timor Luta ba Dame**

**Dili, Timor-Leste** – Ba Futuru, ONG local Timor nian, servisu hamutuk ho juventude iha Timor laran para harii dame iha comunidade. Terca 27 do Marcu iha 17:00 grupu joven nain 12 sei remata trainiu fulan rua nian kona ba oinsaa bele sai educadors dame nian ba sira nia maluk joven sira no mos ba labarik kiik iha sira nia comunidade sira iha Centro Seroja iha Comoro, Dili.

**Ambassadora Novo Zelandia nian, Ruth Nuttall**, sei fahe Certificado ba joven sira, tamba sira hanesan kontribuidor ne'ebe fo suporta bo'ot teb-tebes ba Ba Futuru nia programa iha 2006 nia laran.

Liu husi serbisu hamutuk *Youth Integration and Development Initiative*, **Ba Futuru** no **Edge-ucate.org**, hahu tiha ona prosesu atu involve Joven Timor oan sira iha actividades posetivu iha Centro Seroja. Iniciativu ne'e harii basea ba pedidu ida dereitamente husi **Primeiru Ministru, Dr. Jose Ramos Horta**. Sra. Sierra James, Advisor International no co-fundador Ba Futuru, dehan katak: "Fundus husi Conoco Phillips no mos donator independente sira seluk iha Estados Unidos maka tulun ami atu harii prosesu hadia edeficiu, hanesan hadia harii fatin no halo komplete kampu desportu. Ami sei buka hela fundu hodi suporta fundus restu ne'ebe seidak hetan."

Hamutuk ho **Edge-ucate.org** no **Austcare**, agora dadaun Ba Futuru kria sentros ba joventude iha Dili laran, husi perspectiva ne'ebe posetivu no aktivu, atu involve joventude comunidade ne'ebe maka demografiku kritikal bo'ot liu no importante liu ba crize ida ne'e. Servisu ne'e sei hala'o liu husi fornese oportunidades no actividades ne'ebe maka tulun juventude atu hasa'e sira nia dezvoltamentu persoal, profesional, no sosial. Programa treinamentu sei kahor ho dezvoltamentu persoal, no actividades ne'ebe hasai ida-idak nia konfedensia, atu nune'e prepara joven sira ba integrasaun iha ekonomia no sociadade nia laran. Ida ne'e sei tulun atu kria mechanismu harii dame ne'ebe sustanavel, ba tempu naruk maka sei la husik joven sira la'o estrada deit, maibe involve fali iha actividades hodi prosesu impaktu negative conflitu ninian.

Ita agora dadaun iha momentu importante liu ba Timor-Leste, ne'ebe maka comunidades presisa consolida dame, no sirkulu violensia iha uma no comunidade laran bele hapara. Ho involvmentu no kolen husi ema ida-idak no mos comunidade tomak, liu husi kooperasaun maka ita foin bele kria dame ne'ebe sustanavel iha Timor-Leste.

Ba Futuru maka NGO ida ne'ebe harii iha tinan 2004. Ba Futuru nia visaun maka kria dame no kontra violensia liu husi programa ne'ebe fo kapasidade no informasaun ba ema ne'ebe presiza hodi nune'e bele kria futuro posetivu. Ba Futuru hala'o visaun ida ne'e liu husi promosaun oportunidades ba ema ne'ebe hetan afeitu husi conflitu, vulneravel, labarik ne'ebe iha risku, no joven atu hetan sira nia abildades no haburas mental no confidensia ba futuro, no mos suporta ema ne'ebe hare labarik no lidere comunidade ho informasaun no kapasidade atu suporta labarik iha sira nia comunidade.

Atu hetan informasaun liu tan, halo favor hare pagina [www.bafuturu.org](http://www.bafuturu.org) iha internet.

Obrigada wa'in ba ita boot sira nia attensaun, aviso mak ne'e deit.

###

BA FUTURU  
Rua Vila Verde  
Dili, TIMOR LESTE  
+670 3322437  
[bafuturu@bafuturu.org](mailto:bafuturu@bafuturu.org)  
[www.bafuturu.org](http://www.bafuturu.org)